

**Theologia Scholastica Secundum Viam Et Doctrinam D.
Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo
& norma ibidem usitata publicè tradita, & in IV. Tomos digesta ; Qvorvm
Primvs Tractat De Deo Vno Et Trino, Deq[ue] Creatura Angelica ...

Mezger, Paul

Augustæ Vindelicorum, 1695

§. III. Removetur compositio & divisio.

[urn:nbn:de:hbz:466:1-73455](#)

mē, cūm ex cognitione naturalium attingit cognitionem supernaturalem. Si enim tunc supernaturalia non attingeret arguitur, attingeret uno simplici intuitu videndo supernaturalia in naturābus: sed hoc non potest: quia supernaturalia contineri non possunt in naturalibus, nisi secundum potentiam obiectivam, quam Angelus naturaliter non cognoscit.

Sed contrā est, quod sicut gratia non destruit, sed perficit naturam, ita & cognitione supernaturalium non erit modum cognoscendi naturalem in Angelo, præsternim, cūm lumen supernaturale ex se nullo modo exigat esse discursivum: ergo etiam in cognitione supernaturalium Angelus non procedit discursivum.

Unde ad argumentum Respondeo, quod Angelus uno simplici intuitu in effectu naturali quādoque cognoscat causam supernaturalem: non secundum distinctionem, sed communem & confusam rationem ordinis supernaturalis, e. g. cūm naturaliter videt hominem à mortuis resuscitatum, vel ab aliena creatura personalitate in Christo, hāc ipsā cognitione sine ulla illatione judicat adest causam superiorē omni naturā, à qua illi efficiens procedat. Neque est absurdum, ut causa supernaturalis secundum communem rationem ordinis supernaturalis connectatur, & in esse manifestabilis continetur in aliquo naturali, ita e. g. omnipotētia Divina, ut excēdens omnē causam creatam continetur in natura resuscitata, & humanitate carente propriā subsistentiā, hōc ipsō, quod talis effectus à nulla causa creata sit producibilis.

7. Instabim̄ primō. Hāc ratione dāmones nunquam errarent, aut deciperentur in conjecturali iudicio de supernaturalibus, & conjecturalibus: quod est contra D. Th. hic q. 58. a. 5. Sequela probatur. In simplici cognitione unius rei in altera propter habitudinem, & connexionem cum illa non est error; sed dāmones simplici intuitu cognoscere supernaturalia in naturalibus propter habitudinem & connexionem cum illis: ergo non errant.

Respondeo, negando sequelam, & dico, dāmones errare & decipi in judicando, non quidem per se, h. e. ex defectu sufficientis virtutis ad judicandum, sed per accidens. h. e. ex affectata & practica inconsideratione, cūm per suā specieī partialem suppositionem judicant aliquid ut certò & absolute conexum, quod non nisi probabiliter & conjecturaliter cum altero est conexum, ut e. g. dāmon videat hominem gravibus concupiscentiā morib⁹ tentatum, species ipsi repräsentat illos motus sub disjunctione vel cum consensu vel cum disensu voluntatis conjunctos. Quod si tamen voluntariā, supposſā alterā parte disjunctionis judicet absolutū illos motus cum consensu conjunctos, falli & errare poterit.

8. Instabim̄ secundō. Hinc sequi, quod eadem cognitione simul esset intuitiva & abstractiva; simul certa & incerta, clara & obscura, naturalis & supernaturalis: hoc autem Molinæ videtur impossibile.

Respondeo ad prima tria membra. Nullum ex his est absurdum in ordine ad diversa objecta; ipsa fāna Divina intellectio est intuitiva respectu

fūt essentiæ, abstractiva respectu creaturārum possibilium. Denominatio quippe intuitiva & abstractiva desumitur ex terminacione ad diversa objecta materialia: cūm ergo idem actus possit ad diversa objecta terminari, quorum unum ratione exercitū sua existentia sit aptum videri; alterum ex opposita ratione non sit aptum intuitivē videri; poterit quoq; una eadēmq; cognitione simul habere denominationem intuitivā & abstractivā: sed neque repugnat eandem cognitionem, ut & sp̄eciem respectu diverorum objectorum esse evidenter & invenienter, certam & incertam, quemadmodum eadem visio corpora rem distante confusè, propinquam clare percipit.

Ad ultimum membrum Respondeo. Si cognitione directe terminetur ad objectum supernaturale, fore supernaturalem, quāvis indirecte attingat objectum naturale; sic Angelus sub lumine fidei attingens Christi Humanitatem, attingit risibilitatem, aliasque humanae nature conditiones.

Instabim̄ tertio. Angeli consultant & mirantur super mysteriis supernaturalibus, veluti patet ex Psal. 23. *Quis est iste Rex gloria?* If. 63. *Quis est iste, qui venit de Edom.* Cant. 3. *Quia est ista, quia ascendit?* &c. Sed hāc non sunt absque discussio-

nēs. Respondeo, consilium in Angelis non esse, quantum ad formalem inquisitionem, sed quantum ad certitudinem iudicij & sententiae de rebus agendis, similiiter admirationem Angelis non concedam, quod comparisonem & collationem effectus cum sua causa, sed præcisē quoad simpli- cem cognitionem cause occulte. Unde isti actus potius virtualiter, quām formaliter sunt in Angelis.

Objicies tertio. Unus actus voluntatis v. g. 10. intentio potest in Angelo causare aliū actum v. g. electionem: ergo etiam una cognitione poterit ex alterā causari. Consequentia probatur. Ut si haberet in voluntate intentio finis, ita in intellectu cognitionis principiorum: ergo sicut intentio finis potest movere ad electionem mediorum, ita cognitionis principiorum potest causare notitiam conclusionum.

Respondeo negando consequentiam & paritatem. Quia causalitas cognitionum pugnat cum perfectione intellectus Angelici; non autem causalitas volitionum cum perfectione voluntatis. Cujus ratio est: quod, ut loquitur S. D. q. 60. a. 2. in c. *alius appetitive virtutis est secundum ordinem appetitus ad res*, ut in se sunt, unde quia in rebus aliquid est per se bonum & appetibile, aliud vero tantum est bonum & appetibile propter aliud, non est imperfictio cognoscētis, si, quod est appetibile ratione sui, intendat ut finem; aliud vero, quod non est appetibile ratione sui, sed propter aliud, eligat ut medium. Econtra verò cognitionis est, secundum quod cognitionis est in cognoscētis; est autem imperfectio cognoscētis, si species & objecta intelligibilia non habeat sufficiētē coniuncta, quod lequeretur, si per formalē discutsum ab uno moveretur ad aliud.

§. III.

Removetur compositio & divisio.
Conclusio secunda. *Angelus non intelligit.*
Componendo, autē dividendo. Ut hāc a. 4.
S. D.

S. D. Noster enim intellectus componit, ac dividit, non ideo præcisè, quia utitur diversis speciebus ad cognitionem subjecti & prædicati; sed quia apprehenso uno extremo, non statim videt convenientiam, aut repugnantiam cum alio extremo, id est ideo quod ipsi necessaria conferentia unius extremi cum altero, ut visu utriusque convenientia vel disconvenientia possit unum cum altero vel componere affirmando, vel ab altero dividere negando: sed de perfectione Angelici intellectus est, ut sicut species ipsius repræsentant in principiis conclusiones, ita in uno extremo cogniti videat habitudinem, aut repugnantiam cum omni

alio extremo, adeoque intellectus ipsius nec compонit nec dividit.

Neque dicas. Si cognition, quâ Angelus simili cognoscit objectum naturale & supernaturale, non esset composta: esset simul naturalis & supernaturalis: sed hoc est inconveniens: ergo

Respondeo negando sequelam. Et dico, si objectum, quod per se primò attingitur, sit supernaturale, etiam cognitionem fore supernaturalem, quantumvis objectum, quod secundariò attingitur, sit naturale, sive objectum, quod per se secundariò attingitur, sit naturale, cognitione quoque esse naturalis.

DISPUTATIO XXXII.

DE

Voluntate Angeli.

Cognitionem appetitus, intellectum voluntas sequitur: Unde S. D. q. 59. & 60. dicitur, & quomodo in Angelis voluntas datur, ubi prætermis, quæ ex Tractatu de anima constare possunt, ea solum determinabimus, quæ ad necessariam, vel libera Angeli dilectionem pertinent.

ARTICULUS Unicus.

Quænam objecta Angelus liberè & necessariò amet?

S U M M A R I A.

1. Angelus necessariò amat seipsum quoad specificationem.
2. Et quoad exercitium.
3. Nec minus necessitatur ad amandum DEUM ut Autorem naturæ.
4. Et quidem plus, quam seipsum.
5. Unde demones DEUM tanquam aversantur ut Judicem.
6. Nec sunt naturaliter, sed moraliter à DEO aversi.
7. Alios Angelos diligunt necessariò quoad specificationem, ut sunt unum in natura.

1. CONCLUSIO I. Angelus necessitatur ad amandum sui tam quoad (1.) specificationem, quam (2.) quoad exercitium. Ratio prima partis est: quod voluntas est tantum boni; bonus vero dicitur, quod est supposito conveniens; ergo Angelus non potest velle, nisi quod sibi conveniens: sed velle sibi bonum, est le amare: ergo.
2. Ratio secundæ partis est primò. Voluntas sequitur cognitionem; sed Angelus semper est in actuali cognitione suiipsius, tanquam objecti summè proportionati: ergo etiam semper est in actu amandi seipsum.

Secundo. Si Angelus potest libere cessare à dilectione suiipsius, deberet ipsi in actuali sui dilectione apparere aliquod tardium, aut difficultas: sed nulla potest apparere: ergo.

3. CONCLUSIO II. Angelus parviter necessitatur (1.) ad DEUM ut Autorem naturæ diligendum (2.) & quidem plus, quam seipsum. S. D. a. 5.

Ratio primæ partis est: Angelus non potest efficaciter sibi velle proprium esse, aliaque bona

naturalia, nisi etiam amet & velit illa, à quibus per se dependent; sed per se dependent à DEO, ut Autore naturæ: ergo quâ necessariò seipsum diligit, & vult sibi ipsi efficaciter bona naturalia, tanquam necessariò diligere DEUM ut Autorem naturæ.

Ratio secundæ partis est: Inclinatio & dilectio, quâ Angelus le, DEUMque prosequitur, debet esse recta, utpote à DEO ipso inspirata: sed recta & ordinata dilectio petit, ut plerumque amet DEUS tanquam bonum totius, quam Angelus tanquam bonum partis: ergo.

Neque oponas primo. Quid demones ad DEUM odio habeant. Ex quo non videntur posse simul ipsum naturali dilectione profici. Secundo, quod ab ipso sint aversi per peccatum, tam ut ultimo fine naturali, quam supernaturali: non ergo per dilectionem naturali fini possunt in ipsum effici convertere.

Nam Respondeo ad 1. demones sub divisione DEUM diligere & aversari. Dilegunt ut Autorem & conservatorem sui obiecti, aversantur quatenus Judicem & Autorem omnipotenciarum.

Ad 2. Respondeo, Demones per peccatum sunt à DEO aversi naturaliter, nego, moraliter, concedo. Ex mala nempe circumstantia, quod dilectionem DEI ut ultimi finis naturalis, non subordinant dilectionem ipsius, ut ultimi finis supernaturalis.

CONCLUSIO III. Vnde Angelus alius Angelos, quatenus secum in natura convenienter, diligat necessariò quoad specificationem, non quod ad exercitium. S. D. hic a. 4. Ratio primæ partis est. Quod Angelus alterum odire non potest,